

《續修四庫全書》編纂委員會編

續修四庫全書

上海古籍出版社

四九四・史部・詔令奏議類

防河奏議十卷

〔清〕嵇曾筠撰

一

鄂爾泰奏稿

〔清〕鄂爾泰撰

二七五

諸城劉氏三世奏稿

〔清〕劉統勳

劉墉

劉鏞之撰

三九五

福康安奏疏

〔清〕福康安撰

四〇五

2650/04

防河奏議

皇上御極之元年六月

命臣曾筠以兵部左侍郎堵築河南中牟縣堤工

漫口奉

上諭河南居天下之中爲腹心要地爾宜恪勤將事俾黃流循軌居民安堵速竣厥工毋負茲任

臣卽欽遵銜

命星馳尅期價築於是年冬月告竣聞明年

上念河臣駐劄淮浦遠莫能馭

簡曾筠爲司河之副凡豫省黃河兩岸堤防一切

防河奏議

卷一序

· 修守事宜俱有專責猥以簪筆詞臣未嫻治水之道仰蒙

皇上訓諭諄詳敬謹遵奉竭蹶辦理受事以後每

鼓棹於洪波巨浪之中周覽於高原平隰之

壤風雨寒暑勤加巡歷毋論紳士僚屬以及

田夫野老凡有單詞片語關係河防者靡不

採擇以期益

國利民仰賴

皇上德福攸隆敬誠感格河定民安歲登豐稔四

年冬

上天垂象黃河澄清二千餘里實千古罕觀之上瑞也繼而督理河東遷任江南統計趨走河干轉瞬十有一年矣竊惟河有呼吸變遷形勢攸分水有清濁強弱性情迥別所以障其狂而束其流祛其害而資其利者所關綦重仰惟

聖祖仁皇帝念切運道民生

翠華屢幸河工治河方略備集大成我

皇上丕顯丕承善繼善述沛如天之仁運如神之智

指示修防圖維善後其間因地制宜隨機應變或患在下而先治其上源或患在上而先理其下游或導之而使朝宗或滯之而使利運或事似平易而其機不可須臾緩或勢處危難而其效可以旦夕奏者平險疾徐因時操縱凡_臣知識心思之所未諳繕摺奏請蒙

皇上披圖覽說

批示精詳抉要指微幾先洞鑒是以

異命頻頒遵循罔後在河南則修築黃河兩岸之大堤除汎溢而泰安瀾在山東則清釐運河夫役之積弊去浮冒以收實効在江南則禹王臺壩工成而沐水歸墟六塘河故道關而駱湖向若黃運兩河加築善後堤工以及保護江濱瓜洲城郭而民安衽席漕利輓輸至如高堰石工尤屬全河關鍵我

皇上發百萬帑金謀兆姓莫安之計立千年鞏固之基蓄清抵黃永垂利賴凡此江淮河濟爲疏爲濬爲修爲守皆仰荷

宸謨之廣運

睿算之靡遺是以條分縷晰綱舉目張因勢利導動合機宜今者黃運河湖安流底定堤埝開壩固於金湯歲省度支億萬計而庀材之富屹若崇墉宣防之事駸駸乎有成矣方愧忝竊

寵光迄無寸補乃沐

溫綸疊責旋歷

宮階

予叅幾務勞未宣而賞已懋

恩愈渥而報益難受此

殊榮彌深倣勵不亟舉數年來之仰承

訓示者昭著於天下後世則人但知享平成之福

而不知皆由

皇上啟臣之愚策臣之儒鑒臣之誠信臣之專始

克收此成效而謂樛材淺識敢膺重任而希

防河奏議

底績歟爰就章奏所存有關於河防之大者

哀而輯之使普天薄海共曉然於會筠所以

經理河工者悉稟

宸衷之籌畫且以徵上下之間一心一德

聖主疇咨臣工宜力其難其慎有如斯也若夫

皇猷巍煥上媿禹功史臣自有載筆書之者奚敢

以不文之辭頌揚

天子之弘烈於萬一謹爲拜手稽首恭紀始末弁

之簡端

雍正十一年九月十八日

李太僕奏

防河奏議

卷一 序

五

防河奏議目次

卷一

堵築十里店漫口合龍

會議豫省河工保固事宜

請挑倉頭口引河 附紀

豫辦歲搶修料物

會估豫省黃河兩岸堤工 附紀

增設分防廳員汎弁

委用協理道員

防河奏議 卷一 目次

建築石家橋一帶埽壩等工

條陳河工應行事宜

豫撥歲搶修銀兩

議留堡夫並建堡房

估修月格等堤

留工効力人員

防河奏議卷一

李鴻章奏為豫省河工保固事宜

堵築十里店漫口合龍

題為飛報漫口合龍日期恭慰

聖懷事竊臣等於本年六月內欽承

諭旨堵築中牟縣十里店大堤漫口除西口合龍

已於七月十四日

奏報在案其十里店東口水湧溜急施功匪易

蒙

皇上指示機宜 臣等凜遵

聖訓詳加審慎相度地勢情形於上下堤頭盤築

壩臺接連進埽率領奉

旨勅發各官並揀選河工諳練人員分投任事俱

各奮力爭先風雨無懈晝夜儆堵自入冬以

來天氣晴和仰賴

聖主敬誠昭格神人協應於十一月初十日申時

合龍斷流現於埽壩背後建築靠壩月堤以

資鞏固所有合龍日期相應會疏

資鞏固所有合龍日期相應會疏

題報伏乞

皇上睿鑒施行雍正元年十一月十一日

題奉

旨先聞中牟縣堤口漫決朕念民生深爲軫懷覽奏中牟縣十里店東口已經堵築合龍斷流知道但係隆冬所築工程仍加意防守保固該部知道欽此

防河奏議

卷一

三

會議豫省河工保固事宜

題爲欽奉

上諭事雍正元年七月初七日廷臣怡親王等傳旨河南巡撫石文焯奏稱黃河沁河之水六月二十二日長發漫溢姚其營無堤之處衝決詹家店馬營口堤三十丈着派出大學士張鵬翮前往河南會同總河齊蘇勒巡撫石文焯侍郎嵇曾筠將乘秋水減退永遠保固之處詳加議定張鵬翮親身持來具奏欽此欽遵等齊集河

防河奏議

卷一

三

南馬營工所周覽黃沁交會形勢南岸廣武山高峙北岸係屬平地沁河之水自西來會黃於此伏汎時沁黃二水先後迭迭長則循流而逝若遇二水並漲南高北平易致涵湧必竭盡人力以資隄防其勢然也等遵奉諭旨會議河南黃河馬營等處保固工程事宜仰見我皇上軫念河道民生務期安瀾以資永賴至意幸荷

聖主敬誠昭格咸召

神庥水勢消落馬營等處漸次堵築成功所有

豫省河工應行保固事宜謹據臣等一得之

愚詳具條議是否可行伏候

聖裁再照條議事宜字多逾格貼黃難盡伏乞

皇上全覽施行

一秦家廠係捍禦沁黃交會之關鍵修防保

固最爲緊要大壩靠堤並月堤應再加幫

寬厚均至底寬十丈頂寬四丈高一丈至

防河奏議

卷一

四

一丈五尺不等應照南河例歲修每年聽

河南撫臣估計

題銷仍派本管廳員駐工防守協同千總帶領

河兵椿埽手人等不分雨夜住工修防如

三年著有勞績聽撫臣會同河臣具

題以應陞之缺卽用如或怠玩不時查叅嚴加

治罪其修工夫役仍照例着地方官僱募

不可遲悞如有遲悞照例叅處

一秦家廠大壩北尾堤應築堤一道接連遙

堤底寬十二丈頂寬五丈高一丈二尺加

鑲埽工以護其衝庶溢出之水不致下注

詹家店有頂衝之險但遙堤尚屬卑薄應

再加幫底寬四丈頂寬一丈與舊堤相平

再於頂上加高三尺

秦家廠南尾堤應接至榮澤縣所管臨河

大堤底寬十丈頂寬四丈高一丈以資捍

禦

一馬營舊有河形且地處窪下一遇泛漲保

防河奏議

卷十

五

固最難應將壩後土堤加幫寬厚均至底

寬十五丈頂寬六丈高一丈至一丈七尺

不等

一詹家店舊堤捍禦沁黃交會之水亦關緊

要應再加幫寬厚均至底寬十二丈前面

於卑窪之處加添埽工以資防護

一沁黃交會之處長有沙灘沁水會黃不暢

今冬水落之後該督撫帶領管河道廳及

地方官親往查看審度形勢如係老灘則

挑挖引河俟水長風順開放若係淤泥人力難施則乘長水半淹之際用南河鐵籠子操舟疏刷沙隨水去如此則沁水暢流不致泛濫於姚其營一帶即泰家廠馬營等工亦可資保固矣

一北岸太行堤自武涉縣水樂店起至直隸長垣縣止係奉

聖祖仁皇帝指示修築之工關係黃沁並衛河運道

重門保障應令河南撫臣嚴催承修各官

奏

奏一

作速修築務期堅固一律全完如有遲延聽其指叅

一堤工既經修築堅固而防守必須能員臨河各堤仍令管河廳汛官駐劄本汛近堤之處早晚巡防不許仍前遠駐府縣城內衙署以致水發搶護鞭長莫及自今河南廳汛官員應令總河巡撫不拘資格揀選熟諳能員

題補保固工程三年限滿該督撫具

題准其應陞之缺卽用如有怠悞不時查叅其

太行堤應令州縣官照所管之地不時巡防遇風雨水漲之時嚴加防護不許奸民盜決堤工如有盜決者將奸民嚴加治罪其失於巡防之地方官并隱匿不報之道廳等官俱照例嚴加議處

一河南黃河兩岸臨河大堤修築年久風雨

淋漓致有卑薄之處應令河臣於冬間會

同撫臣親往逐一查看將卑者加高薄者

奏

奏一

加厚如有頂衝之處修築月堤其應用錢

糧聽其估計會

題工完之日該撫查明核實報銷至河南州縣

官原有兼管河務之責如有水發搶修之

際應令地方官協同僱夫辦料如有推諉

膜視者照例嚴叅

一黃河南岸中牟漫口二處堵築工完之後

應令中牟縣管河縣丞移駐工所加謹防

護遇汎水漲發該廳汛官協同該地方官

盡心保固如地方官推諉膜視照例嚴叅

臣等謹合詞會

題奉

旨交與總理事務王大臣會議具奏欽此

陽河奏議

卷一

八

請挑倉頭口引河

奏爲欽奉

上諭事竊臣欽承

諭旨會議秦家厰堤工事宜仰見我

皇上注念河道民生務期安瀾永慶臣受

恩深重勉竭駑鈍悉心籌畫伏思河工須審度形

勢以定疏築之宜查沁黃交會姚其營秦家

厰一帶皆屬頂衝但此係下流受患其上流

必有致患之由臣因於本月初六日由武陟

縣至孟縣渡口僱覓小舟順流東下詳勘情

形見北岸孟縣溫縣所屬河道長有沙灘將

大溜逼趨南岸至倉頭口廣武山根以致崖

岸汕刷民居坍塌至官莊峪大溜又爲山嘴

所挑直注東北於是姚其營秦家厰一帶遂

爲頂衝沁黃並漲之時堤工危險端由於此

臣愚以爲下流固須堵築上流尤貴疏通應

於倉頭對面所長橫灘挑開引河一道直接

中泓俾水勢順流由西北徑達東南不致激

射東北則姚其營秦家厰一帶可免頂衝之患再查釘船幫大壩挑水南行甚屬有益但孤立水濱須鑲建鴈翅以資幫護再於大壩上下相度地勢添建挑水壩壩二座庶秦家厰衝激之勢可減堤工賴以保固此臣一得之愚謹繪圖貼說繕摺奏

聞恭請

皇上訓示遵行伏祈

睿鑒雍正元年十一月十九日

奏奉

旨發總理事務王大臣議定另有部諭欽此議覆准行雍正元年十二月初二日奉

旨依議欽此

附紀

雍正元年六月豫省黃河南岸中牟縣之十里店堤工漫溢臣曾筠奉

命堵築選員隨帶馳驛前往會同河臣撫臣并力搶築旋慶安瀾因思豫河之患全由於北岸武陟秦家厰之決口遂致河心淤高水行兩岸東衝西突其性難馴是則治豫河者必將使武陟上游水勢條順而後振裘挈領始可徐圖下游以次第施功查上游水勢自三門七津建堤而下歷孟縣溫縣北岸長有沙灘逼水南趨至倉頭口遶廣武山根逶迤屈曲而下已成兜灣之勢及至官莊峪則有山嘴外伸形如挑水又由西南直注東北沁黃交滙之區秦家厰一帶頂衝受險以故旋堵旋決頻年爲患

聖天子宵旰憂勤多方

指示務期永遠保固曾筠躬承

諭旨敢不悉心籌畫以期仰副

皇上慎重河防至意謹爲之巡歷上源沿流審視露處小舠越宿晨興憑高遠望灼見於致患之由端在倉頭口對面橫亘之沙灘若不及早疏濬則灘形日長山嘴之挑水益急自南而北注之勢愈甚雖於下游竭蹶堵築終屬無益今議就倉頭口以上之沙灘開挑引河一道直接中泓準對官莊峪下游之水口越過山嘴俾水由西而徑達於東則利導其勢而就下之性已順既順其性而直行東向矣

彭海奏議

卷一

三

豈復有漩洄北折之理乎審視既定據實

奏請奉

旨廷臣會議准如所請會鈞凜慎將事遴委朱藻楊守知范昌治等鳩夫擇吉開挑引河工長六百三十丈該地民人咸知衛其田廬踴躍應募畚鍤趨事費帑無幾成功甚易而速伏汎屆臨乘水長風順挑開引河頭頃刻掣溜奔騰上源黃流湧注東下官莊峪山嘴不能挑水北向大溜全走中泓而引河大成矣引

河成則北岸秦家版一帶安於磐石向之橫流激湍至難抵禦者乃今盡入中泓安流無恙而武陟沿河地方桑麻遍野信乎治其本則費省功倍不得其要雖徒勞無益也夫下游受患其上游必有致患之由會鈞仰承聖主永遠保固之明訓惟有早夜圖維審理度勢循流溯源以冀効奔走愚誠至於防河要指實未嘗窺見萬一也

彭海奏議

卷一

三

豫備歲搶修料物

奏為欽奉

上諭事臣竊查黃河兩岸土性虛鬆凡頂衝掃灣
迴溜侵刷堤根全賴秫草椿麻捲埽鑲墊若
無預備料物每遇水長工危輒至束手無措
卽當時發價購買未免青黃不接價值既昂
運送需時緩不濟事今蒙我

皇上俯念河工料物關係緊要

諭令動用司庫錢糧仰見保固河工安全黎庶至

意臣愚以為應用料物與其採辦於後毋寧

預備於先查江南各廳員每歲於冬月請領
銀兩購買料物隨時應用豫省黃河兩岸似
應照依南工每歲冬間該廳員具詳撫臣酌
撥司庫錢糧分發沿河州縣預為採買堆貯
險要工所以備臨時動用工完核實估銷如
濱河山產有限其近河百里內外州縣亦發
銀兩辦買量給車腳以資運送庶料物應手
修築有資雖有險工不致臨時遺悞臣不揣

冒昧是否可行恭候

聖裁謹具摺奏

聞伏祈

睿鑒雍正元年十一月十九日

奏奉

旨著總理事務王大臣會議具奏欽此議覆准行

雍正元年十二月初二日奉

旨依議欽此

會估豫省黃河兩岸堤工

題爲陽武大堤危險亟宜修防以資鞏固事該

臣等會看得前因陽武大堤危險應添遙堤以資重障並自豫省至徐州一帶臨河大堤因年久廢弛應需修築之處甚多臣等恐工費不貲不敢輕舉前經具疏

題請奉

旨動庫銀修築仰見我

皇上軫念河工重大籌畫萬全之至意臣等遵卽

欽此

奉

奉

欽此

率同道廳印汛等官逐細查勘豫省南北兩岸堤工歷年久遠未經加幫雨淋風刮日漸廢削兼因邇年河心淤墊兩岸積高向河一面地勢卑窪者僅餘二三四五六尺不等一經汎漲水無容受出漕浸漫隨潯汕刷在在堪虞亟應加幫高寬方資捍禦其北岸堤工自榮澤縣起至山東曹縣交界止南岸堤工自榮澤縣起至江南陽山縣交界止綿亘迢遞兩岸共約計千有餘里其中有應行幫築

遙堤月堤格堤均關緊要應一例加築以資重障但因中牟漫溢之後河底墊高水流散漫而大溜掃潯堤上移下之勢靡定俟過桃伏秋汛水往下刷河有定軌時再爲量勢確估另行具

題外今擇其大堤最險要緊之處按照形勢分別段落或加幫南面或加幫北面因地隨宜酌量估計其北岸應行加幫堤工長四萬七千三百四十丈除舊土一百九十三萬七千五百三十九方零應添新土一百七十六萬四千五百四十六方零共需土方銀二十二萬九千五百六十兩六錢一分零南岸應行加幫堤工長七萬六千四百五十六丈除舊土三百七萬七千五百三十三方零應添新土二百六萬七千五百零共需土方銀二十六萬八千七百四十六兩一錢八分零通共需銀四十九萬八千三百六兩八錢零查其中之鄭州中牟陽武所屬有頂冲危險萬難刻

緩之處業經動用司庫銀兩分給疾債修築
茲據署河南管河道楊守知造冊估報前來
臣等覆加親勘核明無異除原冊送部查核
俟覆准之日令河南布政司動庫銀給發各
州縣一例備修外理合具疏會
題伏乞

皇上睿鑒勅部議覆施行再照歸德府所屬堤工

今估計於臨河北而現在均屬旱地可以節省土方但此處河崖卑矮倘遇汎水出漕漫

至堤根難以取土之時臨期相機改封南面

可也至豫省虞城以下以至徐州一帶卑矮
堤工屬江南地方其應行加幫之處現在詳
勘丈量俟確估完日另行具

題合併聲明雍正二年三月初八日

題奉

旨該部速議具奏欽此部議准行雍正二年四月

初二日奉

旨依議速行欽此

附紀

豫省堤工因修治之需向無額設而經理乏
人遂致卑薄殘缺日久廢弛會筠自代置豫
撫卽鯁鯁爲慮泊奉

命堵築中牟決口兢惕於前車之鑒綢繆於未雨
之防益知修治兩堤急不容緩不揣冒昧據
實

奏請仰賴

皇上智炳幾先圖維善後於會筠未經陳

奏之前已

諭令大學士臣張鵬翮前詣河南會同河臣撫臣

暨臣會筠詳加定議欽遵

異命條晰備陳兩岸堤工得亟爲修舉維時陽武
大堤最稱險要河臣齊蘇勒

題請先爲搶築其餘應行加修之處恐工費不

貲蒙我

皇上屢念河防緊要不惜帑金大加興築復

命臣會筠爲副總河專管豫省河務仔肩重大愴

惴小心仰體

皇仁沿堤勘估潯暑嚴寒必親必慎卑薄者議增培殘缺者議幫補準地形以定崇卑酌水勢而分緩急周行審視相度會計約費四十九萬八千三百兩有奇當與河臣撫臣會疏題估及分任印河各官給帑承築又復分別稽查量取土之遠近定工程之難易於原估數內覈實減省計實用銀四十二萬三千四百兩有奇由是豫省堤工長虹綿亘屹若金湯矣竊又念夫有堤而無人猶無堤也有人而無其具猶無人也乃爲之建官司設兵夫而董理有人矣請歲修製濬船而修防有具矣至於頂衝危險之區或增築遙月格堤以爲重障或加修埽壩防風以資捍禦靡不次第經畫先事預防束水歸漕河心愈刷愈深不復有漫灘旁溢之患今者千里長堤崇墉屹峙萬家婦子盡慶盈寧皆由我皇上睿慮精詳河流底定豈非千萬世之利哉

增設分防廳員汛弁

奏爲請增豫省河員汛弁並改設河兵以重修防事竊查河南黃河兩岸堤工綿亘千有餘里地方遼濶舊設道廳汛員甚少往往不能兼顧以致悞事至防守堤工雖有額設堡夫俱係鄉民每遇汛險搶救之事緩急失宜徒費錢糧難收實效查江南黃淮河務設立淮徐淮揚二道分任統轄其沿河廳員並河管兵弁量地遠近畫界分防修守有法工賴其利今豫省河工臣等詳加酌議北岸關係運道民生最爲緊要舊設管河道一員應令駐紮北岸端管彰德衛輝懷慶三府河務再於南岸添設巡道一員端管開封歸德河南三府河務查現在開歸道管理糧儲驛站鹽法復令兼理地方事務似屬太繁應止令管理糧驛鹽法其整飭地方歸兩岸河道管理庶幾呼應得靈至沿河廳員除歸德府屬已有通判一員毋庸議增外查開封府屬南北兩